



FOND KANTONA SARAJEVA ZA STIPENDIRANJE I ŠKOLOVANJE DJECE BORACA,
POGINULIH BORACA I POGINULIH CIVILA - ŽRTAVA RATA - "IKRE"
WAR VICTIMS' CHILDREN SCHOLARSHIP FUND - "IKRE"

Skraćeni izvještaj o radu Fonda „IKRE“ za 2016. godinu

Address:: Skenderija 68, Sarajevo 71 000, Bosnia and Herzegovina
Tel +387 (0) 33 444-520;
Tel./fax. +387 (0) 33 200 310,
E-mail address; ikre.sarajevo@gmail.com



Uvod

Fond Kantona Sarajevo za stipendiranje i školovanje djece boraca, poginulih boraca i poginulih civila – žrtava rata „IKRE“ osnovan je 1993. godine odlukom skupštine Grada Sarajeva, a sa radom je počeo 1994. godine.

Godine 1996 pravo osnivača preuzela je skupština Kantona Sarajevo. Fondom rukovodi direktor Smajo Halilović a zaposleno je ukupno šest radnika.

Osnovana djelatnost Fonda „IKRE“ odnosi se na školovanje i stipendiranje djece boraca (poginulih i demobilisanih) i poginulih civila – žrtava rata ali i poboljšanjem uslova njihovog života uopće, što sigurno značajno doprinosi kvalitetnijem i uspješnijem školovanju.

Fond „IKRE“ ima svoju bazu podataka o ovim porodicama a koristi i bazu podataka Ministarstva za boračka pitanja Kantona Sarajevo, kako bi imali realan uvid u ostvarivanju prava i uslova života boračkih populacija kao i uvid o količini svog doprinosa u poboljšanju tih uslova.

Poštujući usvojene kriterije za različite vrste pomoći koje Fond „IKRE“ pruža ovim porodicama, postignuti su značajni rezultati. Posebno treba naglasiti, veliki broj stipendija, nabavku udžbenika, plaćanju školskih užina, dodatno obrazovanje, edukativno-rekreativna putovanja, pomoć u liječenju i drugo.

*Skraćeni Izvještaj o radu Fonda "IKRE" za 2016. godinu
(osnovne informacije)*

Prioritetan zadatak Fonda „IKRE“ je obezbjeđivanje stipendija za školovanje djece boraca, poginulih boraca i poginulih civila- žrtava rata. Ovim projektom obuhvaćena su djeca osnovnih, srednjih škola i studenti. Do sada je podjeljeno preko 50.000 stipendija kako iz vlastitih sredstava Fonda, sredstva koje obezbjeđuje Ministarstvo za boračaka pitanja kao i iz sredstava prikupljenih donacija.

Poznato je, da se jednom kapljicom vode ne može ugasiti vatra, tako ni Fond „IKRE“ svojim djelovanjem neće riješiti pitanje obrazovanja, kao i poteškoće sa kojima se susreću djeca boračke populacije, ali će im barem dijelom vratiti povjerenje u ljepšu budućnost i vratiti osmijeh i radost na lice. Obrazovanje je budućnost države, a znanje je moć.

“U budućnosti će biti bogati samo oni sa znanjem ...“ (Winston Churchill).

1. Stipendije

U 2016. godini, Fond „IKRE“ je za djecu boraca, djecu poginulih boraca i poginulih civila –žrtava rata koji žive na području Kantona Sarajevo obezbjedio 4.415 stipendija. Broj stipendija Ministarstva za boračka pitanja Kantona Sarajevo je 3.860, broj stipendija Fonda „IKRE“ je 540 i 15 stipendija donatora.

Visina stipendija iznosi 100,00 KM za učenike i studente, a dodjeljuje se za devet mjeseci, koliko traje školska godina.

2. Plaćanje školske užine

Kao poseban i jako značajan način pomoći socijalno ugroženim porodicama iz boračke populacije je plaćanje školske užine za djecu koja pohađaju 60 osnovnih škola na području Kantona Sarajevo. Cijena užine su različite u školama i kreću se od 16 KM do 22 KM zavisno od dobavljača sa kojim je škola sklopila ugovor.

U 2016. godini uplaćena 1081 užina iz sredstava Budžeta i donacija.

3. Jednokratne pomoći

Ove vrste pomoći najviše se dodjeljuje zbog teškog materijalnog stanja u kome se nalaze porodice, a sredstva su im potrebna za ishranu, liječenje, uplatu školske ekurzije, uplata upisa na fakultet i drugo. Za nadarene učenike dodjeljujemo pomoći za odlazak na takmičenje ili kao stimulans za postizanje boljih rezultata.

Ukupan broj djece ili porodica koje su primile ovu vrstu pomoći u 2016. godini je 49.

4. Dodatno obrazovanje

Ukupan broj djece koja su pohađala kurseve informatike i stranog jezika engleskog je 50.

5. Edukatino –rekreativne aktivnosti

U 2016. godini, Gradska uprava Grada Sarajeva je dobila donaciju od gradonačelnika Grada Zagreba gospodina Milana Bandića za ljetovanje djece iz Sarajeva iz socijalno ugroženih porodica u Domu Gradskog društva Crvenog križa Grada Zagreba u Novom Vinodolskom, koju je realizirao Fond „IKRE“. Ovaj projekat je obuhvatio 100 djece. Na ljetovanju su bila djeca Sirije, Palestina, Ukrajine Hrvatske i naša djeca.

Projekat se nastavlja i u 2017. godini.

6. Učešće na Kulturno – umjetničkim manifestacijama (Turska 2016)

Kroz svoj rad Fond „IKRE“ je nastojao da u drugim zemljama na što bolji način promoviše Bosnu i Hercegovinu kroz razne Kulturno- umjetničke manifestacije. Svake godine djeca naših boraca prisustvuju festivalu djeteta u Turskoj. Ove godine bilo je to na 7. Internacionalnom festivalu Folkloru u Istanbulu. Kroz pet koreografija predstavili smo tradiciju i kulturnu baštinu naše domovine.

7. Obilježavanje 20. godina saradnje Fonda „IKRE“ sa udruženjem iz Vičence

U Domu Oružanih snaga Bosne i Hercegovine, obilježena je 20. godišnjica bratimljenja Grada Sarajeva, Fonda „IKRE“ i italijanske regije Veneto i udruženja „Insieme per Sarajevo“ (Zajedno za Sarajevo) uz predstavnike diplomatskog kora, Italije, Vatikana, gradonačelnik Vičence i dogradonačelnik Sarajeva, ministar za boračka pitanja Kantona Sarajevo i mnogi drugi.

Dogovoreno je da se nastavi saradnja koja predstavlja simbol susreta i života različitih kultura.

8. Saradnja sa porodicama i zdrasvena pomoć

Svake godine na osnovu Molbi za razne vrste pomoći, koje porodice dostave Fondu „IKRE“, ali i prema postojećoj bazi podataka, Fond „IKRE“ ima socijalnu kartu korisnika. Bolesne članove porodica posjetimo u njihovim domovima. Ovakve posjete daju sigurnost porodicama da društvo vodi brigu o njima. Jednokratne pomoći se dodjeluju za kupovinu lijekova, plaćanje režijskih troškova ili školskih troškova i drugo.

Zaključak:

Svi planirani poslovi u 2016. godini su realizovani. Ostvarili smo podjelu stipendija: stipendije Fonda „IKRE“, stipendije ministarstva za boračka pitanja i sve druge predviđene projekte, sa samo šest (6) uposlenih. Posebno smo zadovoljni sa ostvarenim donacijama za stipendije, obezbjeđene školarine na Internacionalnim Univerzitetima za studente, plaćanje užine djeci boračke populacije, besplatan prijevoz i ljetovanje 100 djece u Novom Vinodolskom u Hrvatskoj, finansijska potpora talentovanim i nadarenim takmičarima fizike, matematike i drugo na raznim nivoima.

Prilog:

- *Tabela 1*
- *Slike*

S poštovanjem

Direktor

Dr.sci. Smajo Halilović

Address: Terezija bb, Sarajevo 71 000, Bosnia and Herzegovina
Tel/fax. ++387 33 444-520;
Tel./fax. ++387 33 200 310,
E-mail address: ikre.sarajevo@gmail.com



Tabela 1.

R/B	VRSTA POMOĆI	2016. godina
1.	Stipendije	4415
2.	Školski pribor	198
3.	Školske użine	1081
4.	Jednokratne pomoći (naše i od stranih donatora)	49
5.	Kursevi na računaru i stranih jezika	50
6.	Edukativno – rekreativna putovanja	100
7.	Pomoć u liječenju	400
UKUPNO		6293

Slike za izvještaj:

Škola crtanja